



Na osnovu člana 18a. Zakona o dopunskim pravima branitelja i članova njihovih obitelji, prečišćeni tekst, ("Službene novine Tuzlanskog kantona", broj: 5/12, 5/14 i 12/16) i člana 11. Odluke o utvrđivanju uslova, kriterija i postupka za obavljanje pripravničkog i volonterskog staža branitelja i članova njihovih porodica, ("Službene novine Tuzlanskog kantona", broj: 9/14) i Odluke Ministarstva za boračka pitanja, broj: 15/1-05-013927/18 od 11.05.2017. godine, Ministarstvo za boračka pitanja Tuzlanskog kantona objavljuje

PONOVLJENI KONKURS

za utvrđivanje liste branitelja i članova njihove porodice kojima se u Budžetu Tuzlanskog kantona obezbjeđuju sredstva za obavljanje volonterskog staža /stručnog osposobljavanja bez zasnivanja radnog odnosa

I Korisnik prava po ovom Konkursu

Pravo na obavljanje volonterskog staža/stručnog osposobljavanja bez zasnivanja radnog odnosa (u daljem tekstu: volonterski staž) ima lice iz člana 1. st. (1) i (2) i člana 4. Zakona o dopunskim pravima branilaca i članova njihovih porodica, prečišćeni tekst („Službene novine Tuzlanskog kantona“, br.: 5/12, 5/14 i 12/16, u daljem tekstu: Zakon), koje ima VII stepen visoke stručne spreme ili visoko obrazovanje prvog ciklusa Bolonjskog sistema studiranja.

II Uslovi za obavljanje volonterskog staža

(1) Pravo na obavljanje volonterskog staža po ovom Konkursu ima lice iz člana 1. st. (1) i (2) i člana 4. Zakona (u daljem tekstu: kandidat) pod uslovom da:

- a) ima prijavljeno mjesto prebivališta na području Tuzlanskog kantona (u daljem tekstu: Kanton), odnosno mjesto boravišta u statusu raseljenog lica na području Kantona,
- b) ima VII stepen visoke stručne spreme ili visoko obrazovanje prvog ciklusa Bolonjskog sistema studiranja prema članu 4. Odluke,
- c) je bez radnog iskustva u struci odnosno da je započeo pripravnički ili volonterski staž, a isti je prekinut bez krivice kandidata,
- d) je prijavljen na evidenciji Službe kao nezaposlena osoba, prije objavljivanja javnog poziva,
- e) ostvaruje ili je ostvarivao prava iz oblasti boračko - invalidske zaštite u općinama Kantona i
- f) posjeduje valjanu dokumentaciju za učešće po javnom konkursu.

(2) Pravo učešća po ovom konkursu, shodno odredbama člana 2. tačka e) Zakona, ima kandidat, odnosno član porodice branitelja, koji je u sastavu Oružanih snaga **proveo period od najmanje jednu godinu neprekidno u periodu od od 20.06.1992. godine do 23.12.1995. godine.**

III Kriteriji za obavljanje volonterskog staža

Lista kandidata utvrđuje se prema broju bodova koji kandidatu, kao članu porodice branitelja pripadaju po ovoj odluci, prema slijedećim kriterijima:

- a) braniteljski status kandidata,
- b) priznanja branitelju u oružanim snagama BiH (u daljem tekstu: OS) i
- c) dužina prijave na evidenciji Službe.

Prilikom utvrđivanja prava na obavljanje volonterskog s staža, prioritet ima kandidat u statusu branitelja, prijavljen na evidenciji Službe za zapošljavanje, pod uslovima predviđenim tačkom II ovoga konkursa i bez utvrđivanja bodova po kriterijima iz tačke III ovoga konkursa.

IV Potrebna dokumentacija

Prijava za učešće po ovom konkursu treba da sadrži:

Redni broj:	Naziv dokumenta	Organ koji izdaje dokument
1.	Aplikacioni obrazac za prijavu na Konkurs za podnošenje zahtjeva radi utvrđivanje liste branitelja i članova njihove porodice za obavljanje volonterskog staža / stručnog osposobljavanja bez zasnivanja radnog odnosa za 2018. godinu	Ministarstvo za boračka pitanja TK (objavljen na web stranici)
2.	CIPS prijava ili kopija lične karte (<i>ovjerena fotokopija</i>)	Ministarstvo unutrašnjih poslova TK
3.	a) za PŠ-PB, RVI i djecu PŠ-PB i RVI - ovjerena fotokopija prvostepenog ili revizionog rješenja (poslednje rješenje na snazi), b) za dobitnika ratnog priznanja i odlikovanja i dijete dobitnika najvišeg ratnog priznanja i odlikovanja, ukoliko nema status člana PŠ-PB ili RVI ovjerena fotokopija rješenja o ostvarivanju prava na mjesečni novčani dodatak, c) za DB i dijete DB dokaz o pripadnosti branilačkoj populaciji - uvjerenje o plaćama pripadnika u OS ili drugo uvjerenje koje izdaje nadležni organ odbrane u originalu ili ovjereoju fotokopiji, <i>dokumenti pod a), do c) moraju biti dostavljeni kao original ili ovjerena fotokopija</i>	Općinska služba za boračko invalidsku zaštitu Odjeljenje odbrane (Grupa za pitanja evidencije iz oblasti vojne obaveze)
4.	uvjerenje Zavoda za zapošljavanje o dužini trajanja nezaposlenosti nakon sticanja diplome VII stepena stručne spreme ili prvog ciklusa Bolonjskog sistema studiranja, (<i>original ili ovjerena fotokopija</i>),	- JU Služba za zapošljavanje, - Biro za zapošljavanje
5.	dokaz o završenom VII stepenu visoke stručne spreme ili ekvivalent visokog obrazovanja prvog ciklusa Bolonjskog sistema studiranja (<i>ovjerena fotokopija</i>).	Ustanove visokog obrazovanja

NAPOMENA:

Kandidati kojima se iz priložene dokumentacije ne može utvrditi srodstvo sa braniocem, usljed promjene prezimena, bračnog statusa i sl., potrebno je da dostave, pored propisane dokumentacije i drugi odgovarajući dokaz kojim bi se utvrdilo srodstvo sa braniocem (rodni list, vjenčani list i dr.)

V Rokovi za podnošenje zahtjeva

(1) Prijave na konkurs, sa potrebnom dokumentacijom, podnose se putem Ureda za zajedničke poslove kantonalnih organa uprave, Ministarstvu za boračka pitanja, u roku od 8 dana od dana objavljivanja konkursa.

(2) Aplikacioni obrazac i spisak potrebne dokumentacije za prijavu na ovaj Konkurs zainteresovani kandidat može preuzeti:

- na web-stranici Ministarstva
- u općinskim službama za boračko invalidsku zaštitu,

- u kantonalnim boračkim savezima i udruženjima i
- u JU Službi za zapošljavanje Tuzlanskog kantona.

Zahtjeva sa svim priložima predaje se putem pošte ili na pisarnicu Zajednickih službi kantonalnih organa na adresu:

**Tuzlanski kanton, Ministarstvo za boračka pitanja Tuzlanskog kantona, Rudarska broj:
57., 75 000 Tuzla**
[sa naznakom]

"Prijava na Ponovljeni konkurs za utvrđivanje liste branitelja i članova njihove porodice kojima se u Budžetu Tuzlanskog kantona obezbjeđuju sredstva za obavljanje volonterskog staža /stručnog osposobljavanja bez zasnivanja radnog odnosa"

Konkurs ostaje otvoren 8 (osam) dana od dana objavljivanja, odnosno počev od 09.07.2018. godine do 17.07.2018. godine.

Nepotpuni i neblagovremeni zahtjevi neće se razmatrati.

**MINISTARSTVO ZA BORAČKA PITANJA
TUZLANSKOG KANTONA**